

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK

Broj: 05/3-interno-2/23

Bihać, 17.03.2023. godine

Na osnovu člana 183. stav (2) Poslovnika Gradskog vijeća Bihać („Službeni glasnik Grada Bihaća“, broj: 3/16 i 4/20) i člana 52. stav (1) tačka a) Statuta Grada Bihaća („Službeni glasnik Grada Bihaća“, broj: 13/15, 13/18 i 12/22), Gradonačelnik u svojstvu predlagača propisa i drugih akata:

O D R E Đ U J E

Izvjestioca: Jasminu Ćoralić, Pomoćnik gradonačelnika za finansije, privredu i poljoprivredu, na 32. sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o uspostavljanju i vođenju javno-privatnog dijaloga u Gradu Bihaću

Po ovlaštenju Gradonačelnika
broj: 02/1-30-930/23 od 16.03.2023.godine
Dijana Bišćević

BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
GRAD BIHAĆ
GRADONAČELNIK
Broj: 05/3-interno-2/23
Bihać, 17.03.2023. god.

GRADSKO VIJEĆE
- o v d j e -

PREDMET: Odluka o uspostavljanju i vođenju javno-privatnog dijaloga u Gradu Bihaću

U skladu sa članom 52. tačka c) Statuta Grada Bihaća ("Službeni glasnik Grada Bihaća" broj 13/15, 13/18 i 12/22) i člana 140. Poslovnika Gradskog vijeća Bihać ("Službeni glasnik Grada Bihaća" broj 3/16) Gradskom vijeću Grada Bihaća predlažem Odluku o uspostavljanju i vođenju javno-privatnog dijaloga u Gradu Bihaću, uz slijedeće:

O b r a z l o ž e n j e

I PRAVNI OSNOV ZA DONOŠENJE

Zakonski osnov za izradu Odluke o uspostavljanju i vođenju javno-privatnog dijaloga sadržan je u članu 8. i 13. Zakona o principima lokalne samouprave u Federaciji Bosne i Hercegovine („Slubene novine Federacije BiH“ broj: 49/06 i 51/09), članu 8. i 9. Zakona o poticaju razvoja male privrede („Službene novine Federacije BiH“ broj: 19/06 i 25/09) i članu 35. Tačka kk) Statuta Grada Bihaća („Službeni glasnik Grada Bihaća“ broj: 13/15, 13/18 i 12/22).

II RAZLOZI DONOŠENJA

Na osnovu iskustva i saradnje sa međunarodnim organizacijama i predstavnicima privatnog sektora pojavila se potreba za uspostavljanjem osnova za javno-privatni dijalog. Gradskom vijeću se predlaže donošenje ove odluke u cilju aktivnog sudjelovanja svih aktera u javno-privatnom dijalogu, razvoju zajednice u cjelini i kreiranju poslovnog okruženja.

Ovom odlukom su određeni strateški pravci razvoja javno privatnog dijaloga, koraci u uspostavljanju JPD, organizacioni okviri, opis poslova za vođenje JPD, imenovanje članova lokalno privrednog foruma, način donošenja poslovnika, praćenje rada i izvještavanje, kao i odgovornosti i ovlaštenja.

III FINANSIJSKI EFEKTI

Finansijskih efekata ove Odluke rashodovne strane Budžeta nema, dok sa druge strane može doprinjeti povećanju prihoda odnosno otvaranju novih investicija u našem Gradu.

Na osnovu svega navedenog predlažem Gradskom vijeću da usvoji Odluku u preloženom tekstu.

Prilog: Odluka o uspostavljanju i vođenju javno-privatnog dijaloga u Gradu Bihaću

DOSTAVLJENO:

1. Naslovu
2. Službi za finansije, privredu i poljoprivredu
3. a/a

Po ovlaštenju Gradonačelnika
broj: 02/1-30-930/23 od 16.03.2023.godine
Dijana Bišćević

Na osnovu člana 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“ broj: 49/06 i 51/09), člana 8. i 9. Zakona o poticaju razvoja male privrede („Službene novine Federacije BiH“ broj: 19/06 i 25/09) i člana 35. Tačka kk) Statuta Grada Bihaća („Službeni glasnik Grada Bihaća“ broj: 13/15, 13/18 i 12/22), Gradsko vijeće Bihać na ____ sjednici održanoj dana __. __. ____ .godine, donosi

ODLUKA
o uspostavljanju i vođenju javno-privatnog dijaloga
u Gradu Bihaću

Član 1.

(Predmet)

Ova odluka reguliše osnove, način i postupak vođenja javno-privatnog dijaloga u Gradu Bihaću.

Član 2.

(Definicije i termini koji se koriste u Odluci)

Javno-privatni dijalog (JPD) – svaki oblik interakcije između javnog i privatnog sektora, uključujući razmjenu informacija, mišljenja, iskustava i znanja između predstavnika lokalne samouprave i vlasnika mikro, malih i srednjih preduzeća, udruženja poduzetnika, predstavnika relevantnih organizacija civilnog sektora i/ili pojedinci .

Lokalno ekonomski razvoj (LER) – kontinuirani proces u kojem ključni akteri i institucije iz javnog, privatnog i civilnog sektora, zajednički rade na stvaranju unikatnih prednosti za svoju lokaciju i lokalna preduzeća, rade na uklanjanju tržišnih nesavršenosti, uklanjanju birokratske prepreke i jačaju konkurentnost lokalnih preduzeća.

Lokalno privredni forum (LPF) – tijelo za vođenje JPD – mješovito tijelo, sastavljeno od predstavnika javnog, privatnog i civilnog sektora, uspostavljeno u cilju aktivnog sudjelovanja svih aktera u javno-privatnom dijalogu, razvoju zajednice u cjelini i kreiranju povoljnog poslovnog okruženja.

Sektorski odbori (SO) – odbori formirani od predstavnika najznačajnijih sektora: trgovina, turizam, metaloprerađivačka, drvoprerađivačka, tekstil i koža, prehrambeni, usluge, obrt, poljoprivreda.

Povoljno poslovno okruženje – ispunjenost određenih standarda na nivou zajednice, odnosno garancija da će postojeći privrednici, kao i potencijalni investitori, dobiti informacije, usluge i uslove koji olakšavaju vođenje posla i aktivnosti privatnog sektora koje spadaju u nadležnost lokalnih samouprava.

Član 3.

(Strateški pravci razvoja JPD)

Grad Bihać ima za cilj da razvija, proširuje i unapređuje JPD kroz:

- aktivno uključivanje predstavnika mikro, malih i srednjih preduzeća u konsultacije i procese donošenja odluka o ključnim pitanjima razvoja zajednice
- poticanje i unapređivanje organizacijske kulture koja na demokratski način vrednuje mišljenje

javnog, privatnog i civilnog sektora društva, participativnost, inovativnost, proaktivnost i

kontinuirano učenje i razvoj

- prepoznavanje i isticanje privatnog i civilnog sektora društva kao važnog resursa zajednice
- motivisanje predstavnika privatnog i civilnog sektora društva, da se aktivno uključe u planiranje, provođenje i praćenje razvoja zajednice
- sprovođenje inicijativa privatnog sektora za unapređenje poslovnog okruženja i konkurentnosti
- unapređenje kvaliteta usluga za privatni sektor
- definiranje smjernica i procedura koje podržavaju i potiču individualnu i organizacijsku efektivnost i efikasnost kako javnog (gradske uprave) tako i privatnog sektora
- poticanje privatnog sektora na kooperativnu društvenu odgovornost.

Član 4.

(opis koraka u uspostavljanju JPD)

Postupak uspostavljanja i vođenja JPD sastoji se od slijedećih koraka:

1. Definisanje organizacijskog okvira i opisa poslova za vođenje JPD
2. Imenovanje članova LPF i uspostavljanje JPD
3. Donošenje Poslovnika o radu LPF
4. Praćenje rada LPF i izvještavanje

Član 5.

(Organizacioni okviri, opis poslova za vođenje JPD, imenovanje članova LPF, donošenje poslovnika)

Organizacioni okvir JPD:

- Stalno radno tijelo
- Lokalno privredni forum
- Sektorske odbore

Stalno radno tijelo će inicirati javno-privatni dijalog i koordinirati sve aktivnosti između javnog i privatnog sektora sa ciljem da privatnom sektoru osigura pravovremene informacije, kvalitetne savjete, usluge i podršku te da pospješuje proces lokalno ekonomskog razvoja.

Stalno radno tijelo je sastavljeno od gradonačelnika, pomoćnika gradonačelnika za finansije, privredu i poljoprivredu i koordinatora javno-privatnog dijaloga (koordinator će se imenovati rješenjem gradonačelnika). Stalno radno tijelo će sve inicijative, prijedloge, mjere i preporuke koje donese LPF dostaviti na realizaciju nadležnim tijelima (instucijama, organizacijama, organima) na rješavanje sa tačno definisnim rokom i nosiocima realizacije.

Lokalno privredni forum će uspostaviti konkretan okvir za upravljanje lokalno ekonomskim razvojem zajednice i unapređenje poslovnog okruženja u Gradu Bihaću. LPF će se imenovati rješenjem gradonačelnika a na osnovu odluke donešene od strane stalnog radnog tijela.

Osnovne aktivnosti LPF:

- redovno međusobno informiranje javnog i privatnog sektora,
- redovna komunikacija sa privrednim sektorom i poslovnom zajednicom

- razmatranje značajnih razvojnih pitanja i pitanja unapređenja poslovnog okruženja i konkurentnosti
- predlaganje mjera za razvoj zajednice, unepređenje gradske poslovne klime i konkurentnosti
- rasprava o mjerama i inicijativama privrednog sektora, koje se tiču viših nivoa vlasti
- razmatranje inicijativa za partnerske projekte i njihova implementacija

Sektorski odbori – razmatranje konkretnih pitanja za pojedninačne sektore sa ciljem unapređenja poslovnog okruženja i konkurentnosti. Na osnovu odluke LPF imenovat će se rješenjem koordinatora JPD.

Poslovnik o radu donosi LPF na prvoj sjednici. Poslovníkom će se definisati dinamika sastajanja, način odlučivanja, opseg rada, način komunikacije, način predlaganja inicijativa i aktivnosti, način praćenja rada i izvještavanje.

U zavisnosti od pitanja o kojima će se raspravljati na sjednicama LPF na istu mogu biti pozvani i predstavnici drugih organa i institucija koji mogu da doprinesu uspješnijem radu LPF.

Član 6.

(usvajanje godišnjeg plana za provođenje JPD, izvještavanje o radu JPD)

Godišnji plan provođenja JPD na godišnjem nivou priprema LPF i daje ga na saglasnost stalnom radnom tijelu.

Izvještaj o radu JPD se radi za godišnji period i isti se dostavlja stalnom radnom tijelu na saglasnost, stalno radno tijelo putem Službe za finansije, privredu i poljoprivredu isti daje na znanje Gradskom vijeću.

Član 7.

(odgovornosti i ovlaštenja)

Obavezu i odgovornost za provođenje ove Odluke imaju svi nosioci aktivnosti, navedeni u ovoj odluci.

Za kontrolu primjene ove Odluke nadležan Gradonačelnik.

Ovlašćuje se Gradonačelnik da donese rješenje o formiranju stalnog radnog tijela i lokalno privrednog foruma.

Formirana radna tijela za primjenu ove odluke neće primati naknadu.

Član 8.

Ova Odluka stupa na snagu osmog dana od dana objavljivanja u službenom glasniku Grada Bihaća.

Broj:
Bihać,

Predsjedavajući GV
Zulfikar Handukić